



Pou Piblikasyon Imedya: 01/02/2024

GOUVÈNÈ KATHY HOCHUL

**GOUVÈNÈ HOCHUL ANONSE GAYAN VIL NEW YORK NAN KAD SETYÈM FAZ  
INISYATIV REVITALIZASYON ANBA LAVIL LA AK DEZYÈM FAZ PWOGRAM NY  
FORWARD LA**

***Long Island City pral resevwa 10 milyon dola nan Inisyativ Revitalizasyon Anba  
Lavil la; Hudson Square pral resevwa 4.5 milyon dola nan NY Forward***

***Envestisman pou revitalizasyon anba lavil yo se yon pati enpòtan nan estrateji  
global devlopman ekonomik ak kwasans kominotè Eta a***

***Nouvo pwogram NY Forward 100 milyon dola a baze sou elan inisyativ  
revitalizasyon anba lavil reyisi a pou sipòte yon rekiperasyon ki pi ekitab pou  
kominote New York ki pi piti ak riral yo***

Gouvènè Kathy Hochul te anonse jodi a Long Island City pral resevwa 10 milyon dola nan finansman kòm gayan rejyonal Vil New York nan kad setyèm faz Inisyativ Revitalizasyon Anba Lavil (Downtown Revitalization Initiative, DRI) la, ansanm ak zòn Hudson Square kòm gayan NY Forward pou Vil New York ane sa a, k ap resevwa 4.5 milyon dola. Nan 7èm faz Inisyativ Revitalizasyon Anba Lavil la, chak nan 10 rejyon devlopman ekonomik eta a yo ap resevwa 10 milyon dola, pou bay yon angajman total eta a ki se 100 milyon dola nan finansman ak investisman pou ede kominote yo estimile ekonomi yo nan transfòme anba lavil yo pou yo vin tounen katye ki dinamik.

"Nan vil ki pa janm dòmi an, n ap prezante yon lòt faz investisman pou pwouve Eta pa janm dòmi nonplis. N ap kontinye travay san pran souf pou bay yon nouvo lavi nan sant vil New York yo – gwo kou piti – paske yo se batman kè kominote nou yo", **Gouvènè Hochul te deklare.** "Avèk Inisyativ Revitalizasyon Anba Lavil nou an ak NY Forward, Long Island City ak Hudson Square pral kounye a gen responsabiltè ak opòtinite pou yo re-anime anba lavil yo epi amelyore kalite lavi pou rezidan yo ak tout moun ki vizite."

Baze sou elan Inisyativ Revitalizasyon Anba Lavil (Downtown Revitalization Initiative, DRI) reyisi eta a, pwogram NY Forward 100 milyon dola a adopte menm estrateji "Planifye epi Aji" tankou DRI men se pou kominote New York ki pi piti ak riral yo. Tou de asosye planifikasyon estratejik ak aplikasyon pwojè imedya pou sipòte yon rekiperasyon ki pi ekitab pou anba lavil la. Avèk angajman Gouvènè a ane sa ki se 100 milyon dola chak pou Inisyativ Revitalizasyon Anba Lavil la ak NY Forward, Eta a te

envesti kounye a yon total konbine 1 milya dola nan tou de pwogram yo depi kòmansman yo. Gouvènè a te pwopoze yon lòt 100 milyon dola pou chak pwogram, ki totalize 200 milyon dola, nan Bidjè Egzekitif pou Ane Fiskal 2025 li a.

**10 milyon dola Prim Inisyativ Revitalizasyon Anba Lavi la pou Long Island City**  
Long Island City, ki chita nan yon sant jewografik ak transpò nan Vil New York, se yon motè ekonomik enpòtan pou rejyon an ak yon seri endistri divèsifye ak travay ki byen peye. Li defini inikman kòm yon distri pou itilizasyon miks ak youn nan popilasyon rezidansyèl k ap grandi ki pi rapid, nouvo sektè manifakti avanse, teknoloji ak syans lavi, yon Distri Amelyorasyon Biznis elaji, Zòn Biznis Endistriyèl ki laj ak trè pwodiktif, ak yon kominote kiltirèl ak atistik ki anime. Pandan ke Long Island City ap temwanye kwasans ak investisman prive nan kèk zòn ak sektè jewografik, lòt zòn ak sektè yo rete an jachè. Kwasans inegal sa a menase karaktè pou itilizasyon miks ak byennèt ekonomik tout kominote a ak rejyon an an jeneral. Pou fè fas ak defi ak opòtinite sa yo, sibvansyon DRI a ta dwe itilize pou maksimize byen kominote k ap grandi nan Long Island City a epi estimile investisman prive pou kreye yon kominote ki vivan, enklizif, pou itilizasyon miks ak yon destinasyon anba lavi.

#### **Prim 4.5 milyon dola NY Forward pou Hudson Square**

Hudson Square se yon katye ki gen apeprè 33 kare blòk ki sitiye sou bò lwès sid Manhattan. Katye a itilize prensipalman sou plan komèsyal, ak plis pase 12 milyon pye kare espas biwo. Akòz long istwa endistriyèl li yo, lari Hudson Square yo pi apwopriye pou mouvman machandiz ak veyikil pase mouvman moun. Anplis de sa, istorikman katye a te dekonekte tou ak pati avwazinant sid Manhattan yo, tankou SoHo, West Village, ak Tribeca. Sibvansyon NY Forward la pral ede nan devlope biznis lokal yo, ogmante opòtinite rezidansyèl yo, epi konekte distri a ak kominote adjasan li yo.

**Sekretè Eta a, Robert J. Rodriguez, te deklare,** "Vil New York se yon mèk kote w jwenn tout bagay, se poutèt sa li enpòtan anpil pou kenbe, prezève ak amelyore divès katye nou yo. Inisyativ Revitalizasyon Anba Lavi la ak pwogram New York Forward la fèt pou pwofite kalite inik kominote nou yo epi kreye yon destinasyon ki pi briyan pou moun travay, viv ak jwe. Felisitasyon pou Long Island City ak Hudson Square. Depatman Deta a ap tann ak enpasyans pou li wè pwogrè nou."

**Prezidan, Direktè Egzekitif Jeneral ak Komisè Empire State Development lan, Hope Knight, te deklare,** "Long Island City, ak endistri aktif ak kilti rich li yo, se deja yon motè ekonomik ak yon sant kote moun ka viv nan zòn Metro Vil New York la. Sibvansyon DRI 10 milyon dola sa a pral ajoute nan dinamis LIC la, pou sipòte envestisman ki pote transfòmasyon ki pral kreye yon kominote ki pi enklizif epi ki konekte ak itilizasyon miks. Anplis de sa, prim 4.5 milyon dola NY Forward la pou Hudson Square pral fè pon ant katye ak divizyon komèsyal yo epi debloke potansyèl distri Lower Manhattan sa a k ap ogmante a."

**Komisè Biwo Renouvèlman Kay ak Kominote Eta New York la, RuthAnne Visnauskas, te deklare** "Angajman 14.5 milyon dola Eta a pran anvè Long Island City ak Hudson Square pral investi nan pwojè ki te planifye estratejikman ke lidè kominotè

yo te idantifye kòm priyorite sou teren nan Queens ak Manhattan. Mèsi Gouvènè Hochul pou sipò kontinyèl li nan Inisyativ Revitalizasyon Anba Lavi la ak pwogram NY Forward la, ki te amelyore ekonomi lokal yo ak amelyore katye atravè Empire State la."

**Ko-Prezidan Konsèy Devlopman Ekonomik Rejyonal Vil Nouyòk ak Rektè Inivèsite Vil New York la, Félix V. Matos Rodríguez, te deklare,** "Prim DRI Long Island City a refleto potansyèl vibran nan katye dinamik Vil New York sa a epi li pral ankouraje investisman pou reyalize avni li kòm yon modèl koneksyon iben enklizif ak pou itilizasyon miks. Menm jan an tou, prim 4.5 milyon dola NY Forward bay Hudson Square pral amelyore kowazyon ak entegrasyon atravè distri komèsyal li a ak kominote vwazen yo, sa k ap pozisyonè zòn nan kòm yon ankraj ekonomik pou Lower Manhattan."

**Prezidan & Direktè Egzekitif Jeneral Distri Amelyorasyon Biznis Hudson Square la, Samara Karasyk, te deklare,** "Nou rekonesan anpil anè Gouvènè Hochul ak Kòporasyon Devlopman Empire State la paske yo rekonèt efò kontinyèl Hudson Square Business Improvement District ap fè pou transfòmasyon katye nou an an yon kominote akeyan ak pratik pou pyeton yo, avèk peyizaj abondan ak espas piblik vibran. Sibvansyon NY Forward la pral pèmèt nou atire plis travayè, rezidan, ak vizitè - avanse sant lokal nou an pou kreyativite ak inovasyon epi kontribiye nan ekonomi New York la an jeneral."

Konsèy Devlopman Ekonomik Rejyonal (Regional Economic Development Council, REDC) Vil New York la te fè yon pwosesis revizyon apwofondi epi konpetitif pou pwopozisyon kominote yo atravè rejyon an te soumèt epi konsidere sèt kritè ki anba la yo anvan ke yo rekòmande kominote sa yo kòm zòn ki nonmen:

- Anba lavi la dwe konpak, avèk limit ki byen defini;
- Anba lavi la ka kapitalize sou investisman prive ak piblik yo te fè avan yo epi katalize sila k ap fèt nan katye a ak zòn ki ozalantou yo alavni;
- Kantite pòs travay yo dwe te ogmante dènyèmman oswa yo gen pou ogmante anndan, oswa nan zòn ki touprè sant vil la yo ki ka atire travayè yo vin nan anba lavi la, soutni redevlopman epi fè kwasans lan dirab;
- Anba lavi la dwe se yon kominote ki abitan epi ki atiran pou divès popilasyon ki gen tout laj, revni, sèks, idantite, kapasite, deplasman ak orijin;
- Minisipalite a dwe deja adopte oswa gen kapasite pou kreye epi mete anplas politik k ap ogmante kapasite pou viv ak kalite lavi;
- Minisipalite a dwe te fè yon pwosesis angajman kominote ki djanm epi ouvè ki ap abouti sou yon vizyon pou revitalizasyon anba lavi ak yon lis pwòjè ak inisyativ preliminè k ap kapab antre nan yon Plan Envetisman Estratejik;
- Minisipalite a te idantifye pwòjè ki pote transfòmasyon k ap pare pou mete anplas akoutèm avèk yon enjeksyon fon NY Forward; epi
- Minisipalite a gen kapasite lokal pou jere pwosesis planifikasyon an epi mete pwòjè yo anplas, ansanm ak kapasite pou sipèvizè kontra yo pou pwòjè minisipal yo atribye yo.

Long Island City te resevwa 10 milyon dola nan finansman ak envestisman eta a pou revitalize katye anba lavil li a epi jenere nouvèl opòtinite pou kwasans alontèm apre pwosesis planifikasyon lokal la. Long Island City rejwenn Jamaica, Bronx, Anba Lavil Brooklyn, Staten Island, Chinatown, ak East Harlem ki te gayan Vil New York nan sis premye faz DRI yo.

Long Island City pral kòmanse pwosesis devlopman yon Plan Envestisman Estratejik pou revitalize anba lavil li avèk jiska 300,000 dola nan fon pou planifikasyon yo ki soti nan sibvansyon DRI 10 milyon dola a. Yon Komite Planifikasyon Lokal (Local Planning Committee) ki gen ladan reprezantan minisipal yo, lidè kominotè yo ak lòt pati konsène yo pral dirije efò sa, epi y ap resevwa sipò nan men yon ekip espesyalis nan sektè prive a ak planifikatè eta a yo. Plan Envestisman Estratejik la ap egzamine atou ak opòtinite lokal yo pou idantifye pwojè devlopman ekonomik, transpò, lojman, ak pwojè kominotè ki aliyen ak vizyon kominote a genyen pou revitalizasyon anba lavil la, epi ki pare pou yo mete yo sou pye. Plan Envestisman Estratejik pral gide envestisman fon sibvansyon DRI yo nan pwojè revitalizasyon yo ki pral fè vanse vizyon kominote a pou anba lavil li a, epi ki ka favorize ak ajoute sou envestisman 10 milyon dola eta a. Plan yo pou setyèm faz DRI a pral fini an 2024.

Hudson Square pral kounye a kòmanse pwosesis elaborasyon yon Plan Envestisman Estratejik pou revitalize anba lavil yo a. Yon Komite Planifikasyon Lokal (Local Planning Committee) ki gen ladan reprezantan minisipal yo, lidè kominotè yo ak lòt pati konsène yo pral dirije efò sa, epi y ap resevwa sipò nan men yon ekip espesyalis nan sektè prive a ak planifikatè eta a yo. Plan Envestisman Estratejik la pral egzamine atou ak opòtinite lokal yo pou idantifye pwojè ki aliyen ak vizyon kominote a epi ki pare pou yo mete yo sou pye. Y ap akòde finansman pou pwojè yo chwazi ki soti nan Plan Envestisman Estratejik la genyen pi bon potansyèl pou relanse revitalizasyon an epi kreye nouvo opòtinite pou kwasans alontèm.

### **Enfòmasyon Konsènan Inisyativ pou Renovasyon nan Sant Vil la**

Inisyativ Revitalizasyon Anba Lavil la te lanse an 2016 pou akselere epi elaji revitalizasyon anba lavil yo ak katye yo nan tout dis rejyon eta a pou sèvi kòm sant aktivite epi katalizè pou envestisman. DRI, ke Depatman Eta a avèk asistans Empire State Development, Biwo Renouvèlman Kay ak Kominote ak NYSERDA dirije, reprezante yon estrateji san parèy ak inovatè "planifye-anwit-aji" ki mete ansanm planifikasyon estratejik avèk egzekisyon imedyat ak mennen nan anba lavil konpak, adapte pou mache ki se engredyan kle nan ede Eta New York rebati ekonomi li apre enpak pandemi COVID-19 la, epitou nan reyalize objektif odasye Eta a nan zafè klima gras a pwomosyon itilizasyon transpò piblik ak rediksyon depandans sou machin prive.

Nan sis premye ane pwogram nan, eta a te angaje 700 milyon dola pou envesti nan 69 anba lavil yo ki pare pou revitalizasyon epi ki gen potansyèl pou tounen leman ki ap atire reyamenajman, biznis, kreyasyon travay, pi gwo divèsite ekonomik ak lojman ak opòtinite. Kominote k ap patisipe yo dezinye pa 10 Konsèy Devlopman Ekonomik Rejyonal eta a dapre potansyèl anba lavil la pou transfòmasyon. Yo bay chak kominote 10 milyon dola pou yo devlope yon plan envestisman estratejik pou anbalavil epi pou

reyalize pwojè katalizè kle ki fè vizyon kominote a pou revitalizasyon avanse epi maksimize envestisman siplemantè prive ak piblik yo. Plis enfòmasyon sou DRI a disponib [isit la](#).

### **Konsènan Pwogram NY Forward la**

**NY Forward** se yon eleman santral nan politik devlopman ekonomik Eta a. Pwogram nan travay dekonsè ak DRI pou akselere ak elaji revitalizasyon sant vil ki pi piti ak rural yo atravè Eta a pou tout kominote yo ka benefisye nan efò revitalizasyon Eta a, kèlkeswa gwosè, karaktè, bezwen ak defi yo. Tou de pwogram yo ap kreye yon mas kritik anba lavil dinamik nan chak rejyon nan Eta a k ap amelyore devlopman ekonomik, kalite lavi ak divèsite sosyo-ekonomik.

Yon fwa yo atribiye, kominote NY Forward yo soutni pa yon konsiltan planifikasyon pwofesyonèl ak yon ekip ekspè ajans Eta k ap dirije pa Depatman Deta (Department of State, DOS) pou devlope yon Plan Investisman Estratejik ki gen ladann yon seri pwojè transfòmatif, konplèmantè epi ki fasil pou egzekite. Pwojè NY Forward yo adapte yon fason ki apwopriye pou gwosè chak kominote; pwojè yo ka gen ladan renovasyon ak reyamenajman bilding, nouvo konstriksyon oswa kreyasyon nouvo espas piblik oswa ki amelyore ak lòt pwojè ki amelyore kalite kiltirèl ak istorik espesifik ki defini ak distenge cham ti vil ki defini minisipalite sa yo.

Plan ak pwojè Investisman Estratejik yo se yon Komite Planifikasyon Lokal ki pilote yo, ki mennen anpil sansibilizasyon ak angajman nan kominote a. Depatman Deta bay tou anpil asistans teknik ak webimè pou ranfòse kapasite yo — ki gen anplwaye, ekspè ak kamarad nan kominote DRI yo — ki vize pou sipòte kominote ki ka gen mwens resous ak kapasite pase pi gwo kominote iben yo.

###

Lòt nouvèl disponib sou sit [www.governor.ny.gov](http://www.governor.ny.gov)  
Eta New York | Chanm Egzekitif | [press.office@exec.ny.gov](mailto:press.office@exec.ny.gov) | 518.474.8418  
Enskri pou w jwenn mizajou Biwo Gouvènè a: [ny.gov/signup](http://ny.gov/signup) | Voye tèks NEW YORK bay 81336

[ANILE ENSKRIPSYON OU](#)